

Deporte Local

Chiara Petrocchi a gana Medaya di Plata na Open USA



ORANJESTAD (AAN): Chiara Petrocchi di seleccion di Taekwondo di Aruba a biaha siman pasa pa Las Vegas pa participa na Open USA cu ta un G2 ranking hunto cu su otro miembronan di seleccion. Esaki ta prome biaha den Ar-

uba su historia cu un atleta di Taekwondo a logra gana un medaya na Open USA. Chiara Petrocchi no ta un atleta desconoci na Aruba y semper e sa saca e number di Aruba den exterior y ta pone e Bandera di Aruba na halto. Chiara Petrocchi a bringa su

promer pelea contra di Guzman, Valentina for di Merca y a logra gana esaki cu un score di 17-2. Den e segundo pelea Chiara Petrocchi a logra gana esaki cu un score di 3-4 contra di Mabanag, Marissa for di Merca. Den e tercer pelea Chiara Petrocchi a logra gana

esaki cu un score di 10-9 Dillon, Faith for di Merca. Den cuart final Chiara Petrocchi a topa cu Thompson, Hayley for di Australia y Chiara Petrocchi no a mustra niun miedo y a gana e pelea aki cu un score di 19-2. Una bes den final Chiara Petrocchi a trata tur cos pa asina logra e medaya di Oro, pero a yega net niet cu su atakenan y e mester a keda satisfecho cu su logro

di medaya di plata. Dr. Guaicaipuro Jimenez Presidente di ARTBO ta hopi satisfecho cu e resultado di e team di Aruba y cu Chiara Petrocchi a logra Aruba su promer medaya na Open USA. Pabien ta bay sigur na e mayornan di Chiara Petrocchi cu ta inverti masha hopi mes den nan yiu cu a logra algo grandi pa Aruba.